



SAKSPAPIR

Saksnr	Utval	Type	Dato
63/2020	Kommunestyret	PS	22.09.2020

Sakshandsamar	Arkiv	ArkivsakID
Lin Tove Thomassen	FE-033	19/1345

INTERPELLASJON TIL KOMMUNESTYRET - OMREGULERING AV DALEGARDEN

Kommunestyret - Sak 63/2020

KOM - Behandling:

Interpellanten måtte melda forfall til kommunestyremøte og partikollega Erlend Hesjedal-Johannessen, H, fekk ordet først for å fremja interpellasjonen på hennar vegne.

Ordførar gav slikt svar:

Takk for interpellasjon. Temaet du tar opp har samanheng med folketalsutvikling og næringsutvikling i Vaksdal kommune. Me ser at rammevilkåra for kommunen er i stadig endring, og med eit stort og aktualisert fokus på folketalsvekst og næringsutvikling ser eg at det vil vera tenleg å ta opp temaet til debatt igjen. Eg vil derfor gå inn for at me ber administrasjonen greie ut om det er mogeleg å gjere ei omregulering av arealet, og komme med eit forslag til prosess.

Erlend Hesjedal-Johannessen svarte og det vart deretter opna for debatt.

Det vart røysta over interpellanten sitt framlegg til vedtak.

Tre representantar stemte imot: Thor Andersen, AP, Heidi Rongved, AP og Anne Christin Eide, AP.

17 representantar stemte for interpellanten sitt framlegg og vart vedteke.

KOM - Tilråding/Vedtak:

Kommunestyret ber rådmann i fyrste kommunestyremøte i 2021 leggja fram eit forslag til prosess for å omregulera Dalegarden, slik at ein opnar opp for detaljhandel.

Saksopplysningar:

Frå Amalie Johnsen Lunde, Høgre, ligg det føre slik interpellasjon:

Tilrettelegging for nye arbeidsplassar

Folketalsvekst er eit viktig tema framover. Det vert sagt at ein legg vekt på å tiltrekka seg personar i 30-åra, ein treng familiar og personar i arbeidsfør alder. I Vaksdal har ein eit godt tilbod av barnehagar og skular, men det aller viktigaste aspektet å leggja til rette for er nye arbeidsplassar. At ein må satse på næringsutvikling er soleklart og å få på plass ein næringsplan er essensielt i det arbeidet. Likevel vil ikkje ein næringsplan åleine fikse dei utfordringane kommunen har med manglande arbeidsplassar. Me må også leggje til rette gjennom arealplanlegging for at bedriftene skal kunna utnytta dei moglegheitene som dei ser i kommunen.

Ein eigenskap som kan skapa nye moglegheiter i kommunen er plasseringa vår, på vegen mellom Bergen og Voss. Over 5000 bilar køyrer dagleg på E16 tvers gjennom kommunen vår. Dette er ein ressurs, som bedrifter kan nytta til å skapa arbeidsplassar.

Eit område som er spesielt eigna til å få reisande til å ynskja å stoppe ved stamvegen er Dalegarden. Det er områder på Dalegarden som i dag er regulert til "plasskrevjande varehandel". Ved å omregulera området slik at ein kan nytta det til detaljhandel, åpner ein opp for bedrifter som kan skapa nye arbeidsplassar. Det er eit attraktivt område som, med litt tilpassing og markedsføring, enkelt kan selgast til nokon med ynskje om å skapa arbeidsplassar.

Spørsmål til ordfører

Vil ordfører bidra til at det i 2020 vert sett i verk prosess for å omregulera Dalegarden slik at det i framtida kan vere mogleg å etablere detaljhandel?

Forslag til vedtak

1. Kommunestyret ber rådmann i fyrste kommunestyremøte i 2021 leggja fram eit forslag til prosess for å omregulera Dalegarden, slik at ein opnar opp for detaljhandel.